

耳在都護之東而此渠勒于闐難兜之類去長安且萬里東北行數千里乃至都護安得與姑羌相接必誤

種五穀蒲陶諸果有銀銅鐵作兵與諸國同屬罽賓

罽賓國王治循鮮城去長安萬二千二百里不屬都護

戶口勝兵多大國也東北至都護治所六千八百四十

里東至烏秣國二千二百五十里東北至難兜國九日

行西北與大月氏西南與烏弋山離接昔匈奴破大月

氏大月氏西君大夏而塞王南君罽賓師古曰君謂為之君也塞音先

得塞種分散往往為數國師古曰即所謂釋種者也亦語有輕重耳自疏勒

以西北休循捐毒之屬皆故塞種也罽賓地平溫和有

目宿雜草奇木檀欒梓竹漆師古曰欒音懷即槐之類也葉大而黑也種五